

金

匱

縣

解

金匱懸解卷十五

內傷雜病

昌黎先生集卷之五

肺痿肺癰咳嗽上逆

肺痿肺癰者咳嗽上氣之標咳嗽上氣者肺痿肺癰之本。肺痿之病內亡津液而傷火燥肺癰之病外感風邪而傷熱濕溯其源委卽咳嗽上氣之積漸而成者也而咳嗽上氣之由來則因於胃氣之逆也仲景諸方溫涼補泄立法非一而總以中氣爲主蓋未有土死而金生者卽未有土生而金死者見子而顧母仲景諸方未嘗有泄金而敗土

也。蓋咳嗽痰喘，悉緣中氣之敗。後世庸工，但知清金泄火，不知照顧中氣。其下復加以滋陰補水之藥，中氣淪亡，未有不死者。虛勞咳嗽，未必卽死，而最難逃者，庸工之毒手，曠覽天枉，惕目驚心，天乎人乎，不可解也。

肺痿一

問曰：熱在上焦者，因咳爲肺痿。肺痿之病，從何得之？師曰：或從汗出，或從嘔吐，或從消渴，小便利數，或從便難，又被快藥下利，重亡津液，故得之。曰：寸口脈數，其人欬，口中反有濁唾涎沫者，何？師曰：爲肺痿之病。若口中辟辟燥，欬卽胸中隱隱

肺脈爲滑數此謂肺癰咳唾膿血脈數虛者爲肺痿數實者爲肺癰

熱在上焦者因咳嗽而爲肺痿肺癰由於津亡而金燥也  
溯其由來或從汗出而津亡於表或從嘔吐而津亡於裏  
或從消渴便數而津亡於前或從胃燥便難津液原虧又  
被快藥下利重亡津液而津亡於後故得之也寸脈虛數  
欬而口中反有濁唾涎沫者此爲肺痿若口中辟辟然乾  
燥欬卽隱隱胸中作痛脈又滑數此爲肺癰脈數而虛者  
爲肺痿脈數而實者爲肺癰肺痿因於燥熱故脈數而無

體肺癰因於濕熱故脈實而有膿也蓋痿者痿痹而不振也人之所以精神爽健者肺氣清也肺熱而金燥則氣耗而體倦是以痿靡而廢弛也素問痿論肺主身之皮毛肺熱葉焦則皮毛虛弱急薄著則生痿躄也肺者藏之長也心之蓋也有所失亡所求不得則發肺鳴鳴則肺熱葉焦故曰五藏因肺熱葉焦發爲肺痿此之謂也五藏各有痿而五藏之痿則以肺爲根緣肺主氣而化生津液所以灌溉五藏五藏之氣皆受於肺氣耗而津枯五藏失滋是以痿也五藏之痿因於肺熱而肺熱之由則又原於陽明之

燥故治痿獨取陽明陽明雖化氣於燥金而燥金實受於陽明以金生於土故也

## 肺癰二

問曰病欬逆脈之何以知此爲肺癰當有膿血吐之則死其脈何類。師曰寸口脈微而數微則爲風數則爲熱微則汗出數則惡寒風中於衛呼氣不入熱過於營吸而不出風傷皮毛熱傷血脈風舍於肺其人則欬口乾喘滿咽燥不渴多唾濁沫時時振寒熱之所過血爲之凝滯畜結癰膿吐如米粥始萌可救膿成則死

寸口脈微而數微則爲風泄於表數則爲熱鬱於裡微爲風泄則竅開而汗出數爲熱鬱則陰束而惡寒風則傷衛風愈泄而衛愈閉呼氣不能入熱則傷營衛愈閉而營氣泄吸氣不能出也出氣爲呼風泄於外譬猶呼氣泄而不閉是呼氣不入入氣爲吸氣閉於內譬猶吸氣閉而不泄風邪外傷其皮毛熱邪內傷其血脈風傷皮毛故風舍於肺皮毛閉塞肺氣壅阻則生咳嗽口乾喘滿咽燥不渴多唾濁沫時時振寒熱傷血脈故熱過於營血脈凝滯於蒸腐敗化爲癰膿膿畜結吐如米粥始萌可救膿成則死蓋肺癰之病因胸膈濕盛外感風邪肺氣壅

過鬱而爲熱表則寒熱交作裏則痰濁淫蒸營血腐爛化而爲膿久而肺藏潰敗是以死也

### 肺痿三

肺痿吐涎沫而不欬者其人不渴必遺尿小便數所以然者以上虛不能制下故也此爲肺中冷必眩多涎唾甘草乾薑湯以溫之若服湯已渴者屬消渴

肺痿之病金被火刑必欬而渴若但吐涎沫而不欬者則其人不渴必當遺尿而小便數所以然者以上虛不能制下氣不攝水故也此爲肺中寒冷必頭眩暈多涎涎以其



肺胃寒滯陽不歸根是以發眩氣不四達是以多涎甘草  
乾薑湯甘草補中而培土乾薑溫肺而降逆也

此肺痿之寒者

甘草乾薑湯 百一

甘草

炙 四兩

乾薑

炮 二兩

右二味以水三升煮取一升五合去滓分溫再服

原方

缺載取傷寒補之

### 肺癰四

欬而胸滿振寒脈數咽乾不渴時出濁唾腥臭久久吐膿如

米粥者爲肺癰桔梗湯主之。

欬而胸滿振寒者肺氣鬱阻陽爲陰閉也。脈數者肺氣不降。金被火刑也。咽乾不渴者咽燥而肺濕也。時出濁唾腥臭者肺金味辛而氣腥。涎痰瘀濁鬱蒸而腐敗久而癰膿上吐形如米粥。此爲肺癰。桔梗湯桔梗行痰而破膿。甘草泄熱而保中也。

桔梗湯

桔梗 一兩  
甘草 二兩

右二味以水三升煮取一升分溫再服則吐膿血也。

肺癰五

肺癰喘不得臥葶藶大棗泄肺湯主之

肺癰喘不得臥肺鬱而氣逆也此緣土虛濕旺濁氣痞塞腐敗痰蒸肺無降路葶藶大棗泄肺湯大棗補脾精而保中氣葶藶破肺癰而排膿穢也

葶藶大棗泄肺湯

葶藶

熱令黃色搗丸如梧子大

大棗

十二枚

右先以水三升煮取二升去棗內葶藶煮取一升頓服

咳嗽上氣六

上氣喘而躁者，屬肺脹，欲作風水，發汗則愈。

咳嗽上氣喘而躁者，此爲肺脹而氣阻也。氣爲水母，此欲作風水。以風中皮毛，遏閉肺氣，不能調水道而輸膀胱也。素問五藏生成篇，咳嗽上氣厥在胸中。逆在手陽明太陰。手陽明升則化氣，手太陰降則化水。咳嗽上氣，辛金不降，無以行水，欲作風水之兆也。發汗以泄其皮毛而消肺脹，則愈矣。

### 咳嗽上氣七

上氣而浮腫，肩息，其脈浮大，不治，又加利尤甚。

三  
咳嗽氣壅是以頭面浮腫喘急肩搖是謂肩息其脈浮大者陽根下絕此爲不治又加下利中氣敗泄尤爲甚也

咳嗽上氣八

咳而上氣此爲肺脹其人喘目如脫狀脈浮大者越婢加半夏湯主之。

咳而上氣此爲肺氣脹滿其人喘阻肺氣上衝目如脫狀脈浮大者是表邪外束而裏氣上逆也越婢加半夏湯益甘大棗培土而和中石膏麻黃清金而發表半夏降逆而下衝也。

越婢加半夏湯

麻黃

六兩

石膏

半斤

甘草

二兩

大棗

十二枚

生薑

五兩

右六味以水六升先煮麻黃去上沫內諸藥煮取三升

分溫三服

咳嗽上氣九

肺脹咳而上氣煩躁而喘脈浮者心下有水小青龍加石膏

湯主之

肺脹咳而上氣煩躁而喘脈浮者此心下有水阻隔金火

降路氣阻而發喘咳肺熱而生煩躁也小青龍加石膏湯

甘草麻黃桂枝補中氣而泄營衛芍藥半夏清膽火而降胃逆姜辛五味下衝氣而止喘咳石膏涼肺蒸而除煩躁也積水化汗而外泄諸證自愈矣

小青龍加石膏湯

麻黃

二兩

桂枝

三兩

甘草

三兩

芍藥

三兩

半夏

半升

細辛

三兩

乾薑

三兩

五味子

半斤

石膏

二兩

右九味以水一斗先煮麻黃去上沫內諸藥煮取三升

強人服一升羸者減之日三服小兒服四合

咳嗽上氣十

欬而脈浮者厚樸麻黃湯主之。脈沈者澤漆湯主之。

欬而脈浮者其病在上。是表邪外束。裏邪上逆。肺金鬱格而不降也。厚樸麻黃湯發表而散寒。石膏小麥清金而潤燥。樸杏半夏姜辛五味破壅而降逆。欬而脈沈者其病在下。是水邪上泛。相火壅阻。肺金傷尅而不歸也。澤漆湯人參甘草補中而培土。生薑半夏降逆而驅濁。紫參白朮清金而破壅。桂枝黃芩疏木而泄火。澤漆決痰而泄水也。脈法云。浮爲在表。表有寒邪。故用麻黃。

厚樸麻黃湯



厚樸 五兩 杏仁 半升 半夏 半升 乾薑 二兩 細辛 二兩

五味子 半升 小麥 一升 麻黃 四兩 石膏 雞子大一塊

右九味以水一斗二升先煮小麥熟去滓內諸藥煮取

二升溫服一升日三服。

澤漆湯

澤漆 三升以東流水五斗煮取一斗五升 人參 三兩 甘草 三兩 生薑 五兩

半夏 半升 白前 五兩 紫參 五兩 桂枝 三兩 黃芩 三兩

右九味咬咀內澤漆汁中煮取五斗溫服五合至夜盡

咳嗽上氣十一

咳而上氣喉中水雞聲射干麻黃湯主之

風寒外閉肺氣鬱阻逆衝咽喉泄之不及以致呼吸堵塞  
聲如水雞此緣陽衰土濕中氣不運一感外邪寒氣愈鬱  
胃土上逆肺無降路而皮毛既合不得外泄是以逆行上  
竅衝塞如此射干麻黃湯射干紫冬味細薑夏下衝逆而  
破壅塞大棗補土而養脾精麻黃發汗而泄表寒也

此即傷寒的喘之症

射干麻黃湯

射干

十三枚

紫苑

三兩

款冬

三兩

五味子

半斤

細辛

二兩

生薑

四兩

半夏

半升

大棗

七枚

麻黃

四兩

右九味以水一斗二升先煮麻黃二沸去上沫內諸藥煮取三升分溫三服

欬逆上氣十二

火逆上氣咽喉不利止逆下氣者麥門冬湯主之

土虛胃逆相火莫降刑尅辛金肺氣逆衝上竅壅塞故火逆上氣咽喉不利麥門冬湯甘草參粳補中而化氣麥冬半夏清金而降逆也

麥門冬湯

麥門冬七升 半夏一升 人參二兩 甘草二兩 粳米三合

大棗十二枚

右六味以水一斗二升煮取六升溫服一升日三夜一服

咳嗽上氣十三

咳逆上氣時時唾濁但能坐而不得眠皂莢丸主之

咳逆上氣時時唾濁但能坐而不得眠者此肺氣之壅閉也皂莢丸利氣而破壅故能主之

皂莢丸

皂莢

八兩刮去皮用酥炙

右一味末之煉蜜丸梧子大以棗膏和湯服三九日三

夜一服

附方

千金生薑甘草湯

治肺痿咳嗽涎沫不止咽燥而渴

生薑

五兩

甘草

四兩

人參

三兩

大棗

十五枚

右四味以水七升煮取三升分溫三服

千金炙甘草湯

治肺痿涎唾多心中溫溫液液者

湯方見虛勞

外臺桔梗白散

治欬而胸滿振寒脈數咽乾不渴時出濁唾腥臭久久吐膿如米粥者爲肺癰。

桔梗

三分

貝母

三分

巴豆

一分去皮熬研如脂

右三味爲散強人服半錢匕。羸者減之。病在膈上者吐膿血。膈下者泄出。若下多不止。飲冷水一盃則定。

肺癰胸滿脹。一身面目浮腫。鼻塞涕出。不聞香臭。酸

辛。咳逆。上氣喘鳴。迫塞。葶藶大棗泄肺湯主之。

此條係黃氏所

缺。依要畧本補之。

金匱懸解卷十六

內傷雜病

昌邑黃元御坤載著

胸痺心痛短氣

胸痺心痛之病濁陰逆犯清陽。貴在肝腎之陰盛。心肺之陽虛。而其原總由於中氣之敗。胃逆則濁陰不降。脾陷則清陽不升。是寒水凌火。風木賊土之根本也。陽宜降也。陽中之濁氣宜降。而清氣不宜降。陰宜升也。陰中之清氣宜升。而濁氣不宜升。濁陰升而清陽降。則陽陷於下。而陰填於上。清虛冲和之位。變而爲痞滿結鞭之所。陰賊橫逆宮



城填塞君主失守陽神奔敗此胸痺心痛所由來也失升降之職易陰陽之部非緣中氣虧敗何至於此仲景於破結開痺之中而示人參一湯所謂握要而警策者矣。

胸痺心痛一

師曰夫脈當取太過不及陽微陰弦卽胸痺而痛所以然者責其極虛也今陽虛知在上焦所以胸痺心痛者以其陰弦故也。

診脈當取其太過不及以定虛實寸爲陽尺爲陰寸旺於尺人之常也寸微是陽虛於上尺弦是陰盛於下弦爲肝

脾應見於左關尺弦者水寒不能生木木鬱於水而不升也木不升則脾必陷肝脾所以升清陽肝脾鬱陷清陽不升是寸之所以微也陽不敵陰則陰邪上犯濁氣填塞是以胸痺宮城逼窄是以心痛所以然者責其上焦清陽之極虛也陽在上今寸微陽虛因知病在上焦其上焦所以胸痺而心痛者以其尺脉之弦也陰氣盛而侵微陽濁邪上而凌清位故窒塞而不開鬱衝而不宣也

此脈之不及而病虛者。

## 胸脾短氣二

平人無寒熱短氣不足以息者實也

若夫平人外無寒熱之表證忽而短氣不足以息者此必  
隧道壅塞而不通或有宿物阻格而不達是實證也實則  
宜泄當以行瘀開閉之方除舊布新之法排決苑陳則氣  
降而息順矣脉之太過而病實者

### 胸痺心痛短氣三

胸痺之病喘息欬唾胸背痛短氣寸口脉沈而遲關上小緊  
數苦葶薤白白酒湯主之

胸痺之病凡喘息欬唾即胸背疼痛短氣喘促寸口之脉  
沈而遲關上之脉小而緊數是中氣不通濁陰上逆氣道

痞塞而不通也苦蕒薤白白酒湯苦蕒蕒瘕而清煩薤白  
白酒開壅而決塞也。

苦蕒薤白白酒湯百二十

苦蕒實一枚薤白半觔白酒七觔

右三味同煮取二升分溫再服

胸痺心痛四

胸痺不得臥心痛徹背者苦蕒薤白半夏湯主之。

胸痺不得臥心痛徹背者是陰邪上填衝逼心宮而胸膈  
痞塞氣無前降之路膈上莫容是以後衝於脊背也苦蕒

薤白半夏湯苦蕒絲痰而清煩薤白白酒半夏破壅而降  
逆也。

苦蕒薤白白酒半夏湯

百二十一

苦蕒實

一枚

薤白

三兩

白酒

一斗

半夏

半斤

右四味同煮取四升溫服一升日三服

胸痺心痛五

胸痺心中痞留氣結在胸膈滿脇下逆搶心枳實薤白桂枝  
湯主之。人參湯亦主之。

胸痺心中痞塞濁氣留結在胸膈滿壅悶脇下氣逆上搶

於心。是皆胆胃逆升。濁陰不降之故也。枳實薤白桂枝湯。枳實薤白。破壅塞而消痺結。苦蕒桂枝。滌濁痰而下衝氣也。人參湯。參尤燥土而益氣。薤甘溫中而緩急。亦主之也。枳實薤白桂枝湯。百二十二

枳實四枚 厚樸四兩 苦蕒一枚 薤白半斛 桂枝一兩

右五味以水五升。先煮枳實厚樸取二升去滓。內諸藥煮數沸。分溫三服。

人參湯 百二十三

人參三兩 白朮三兩 甘草三兩 乾薑三兩

右四味以水八升煮取三升溫服一升日三服。

胸痺短氣六

胸痺胸中氣塞短氣。茯苓杏仁甘草湯主之。橘枳生薑湯亦主之。

胸痺胸中氣塞短氣是土溼胃逆濁氣痞塞肺無降路是以短氣肺氣堙塞則津液凝滯而化痰涎茯苓杏仁甘草湯杏仁利氣而破壅滯甘補土而泄溼也橘枳生薑湯橘皮破凝而開鬱枳薑泄滯而降濁也。

茯苓杏仁甘草湯 百二十四

茯苓三兩 杏仁五十枚 甘草一兩

右三味以水一斗煮取五升溫服一升不差更服

橘枳生薑湯百二十五

橘皮一觔 枳實三兩 生薑半觔

右三味以水五升煮取二升分溫再服

胸痺七

胸痺緩急者薤白附子散主之

胸痺緩急者水土淫寒濁陰上逆肺氣鬱阻胸膈閉塞證有緩急不同而總屬淫寒薤白附子散薤白泄瀉而降濁



附子。驅寒而破壅也。

薤以附子散百二十六

薤以十五附子十枚

右二味。杵爲散服方寸匕。日三服。

胸痺心痛八

心中病諸逆心懸痛桂枝生薑枳實湯主之。

心中痞塞諸氣上逆心懸作痛以膽胃不降胸膈鬱滿阻  
礙厥陰升路衝擊作痛桂枝生薑枳實湯枳實降濁而泄  
痞桂枝疏木而下衝也

桂枝生薑枳實湯 百二十七

桂枝 三兩 生薑 三兩 枳實 五枚

右三味以水六升煮取三升分溫三服

胸痺心痛丸

心痛微背背痛微心烏頭赤石脂丸主之。

寒邪衝逆凌通心君故心背微痛烏頭赤石脂丸烏附椒  
姜驅寒邪而降逆赤石脂護心君而止痛也。

烏頭赤石脂丸 百二十八

烏頭 一分 蜀椒 二分 乾薑 一兩 附子 半兩 赤石脂 一兩

右五味末之蜜丸梧子大先食服一九日三服不知稍加附方。

九痛丸

八

治九種心痛兼治卒中惡腹脹痛口不能言又治連年積冷流注心胸痛並冷氣上衝落馬墜車等皆治之。

附子

三兩

巴豆

一兩去皮心

生狼牙

一兩

吳萸

一兩

人參

一兩

乾薑

一兩

右六味末之煉蜜丸如梧子大酒下。強人初服三丸日三服弱者服二丸。

狼牙瘡家敷洗之藥用之心痛方中甚屬無謂去此二  
味換橘皮一兩減巴豆十分之七可也

金匱懸解卷十七

內傷雜病

昌邑黃元御坤載著

腹滿寒疝宿食

腹滿寒疝宿食病之相因者也。寒水風木之邪合而賊土。土溼脾陷。迫於風水之侵滯塞不通。是以腹滿。所謂腎氣實則脹者。雖寒水之侮土。其中未嘗無木邪也。風木上鬱而剋溼土。則爲脹滿。風木下鬱而陷寒水。則爲疝瘕。寒疝者。風木之下鬱於寒水而凝結者也。土之所以化穀者。火也。寒盛火衰。水穀不化。是謂宿食。宿食既停。壅遏中氣。變

虛而爲實故宜攻下攻下雖行而其始實屬寒因此三證悉以寒爲病本總因於少陰之勝跌陽之負也

### 腹滿一

跌陽脉微弦法當腹滿不滿者必便難兩胠疼痛此虛寒從下上也當以溫藥服之胠音區脇也

跌陽胃脉在足趺上即衝陽也微弦者肝膽之氣也脉見微弦則木邪剋土戊土賊於甲木胃逆而濁氣不降法當腹滿若不腹滿者則甲木不賊於戊土乙木必賊於巳土脾陷而清氣不升法當便難以脾陷肝鬱不能行其疏泄之令

肝膽之脉行於脇肘。若見兩肱疼痛。此虛寒之氣從下而上也。當以溫藥服之。溫煖水土以舒木氣也。蓋木生於水。木氣之鬱必生水寒。水位在下。木位在左右脇肘之間。兩肱疼痛。是木氣之鬱。此必寒水之氣從下而上侵於木位也。

## 腹滿二

寸口脉弦者。卽脇下拘急而痛。其人噉噉惡寒也。

跌陽以候陽明寸口以候太陰。寸口脉弦者。肝木之尅脾土也。木邪鬱迫經氣不舒。故脇下拘急而痛。木鬱陽陷陰

邪外束其人當齟齬惡寒也。齟齬者皮毛振動此申明上意之義。戰慄者不寧之意

### 腹滿三

腹滿時減復如故此爲寒當與溫藥

陽清而陰濁清則通而濁則塞中氣痞塞是以滿也腹滿時減復如故者陽有時而復故減陰有時而勝故復然陰易勝而陽難復是以減不逾時而旋即如故此爲陰勝而內寒非有陳宿之阻隔當與溫藥以驅寒邪也

### 腹滿四



大中寒家喜欠其人清涕出發熱色和者善嚏

欠者開口出氣壅樞口問衛氣盡行於陽夜行於陰陰者主夜夜者臥陽者主上陰者主下故陰氣積於下陽氣未盡陽引而上陰引而下陰陽相引故數欠中寒之家陰氣下盛招引陽氣引則陽陷而陽性升浮隨引卽升一升一降是以有欠常引常伸故喜欠也緣其陰盛陽衰升氣少而降令多不必日暮而陰常司權故清涕出者肺氣之上薰也肺氣鬱阻不得下達則上薰鼻竅而生清涕鼻孔窄狹積氣不能暢泄故衝激而爲嚏噴以其中氣虛寒樞軸

不運肺無下降之路因而逆行上竅肺氣熏衝是以清水常流而噦噴恒作然欲噦而卽出猶是上焦陽氣之稍盛者陽稍盛則顏色和也。

腹滿五

中寒其人下利以裡虛也欲噦不能此人肚中寒

中寒其人大便下利以其裡陽之虛也若欲噦不能此人肚中寒陽虛而寒盛也靈樞口問陽氣和則滿於心出於鼻故爲噦噦者肺氣逆行蓄極而通而泄路迫狹故激而爲噦至於欲噦不能則氣虛寒盛比上之善噦者又不如

也。

### 腹滿六

病者痿黃燥而不渴胸中寒實而利不止者死。

病者痿弱發黃咽喉乾燥而實不覺渴是溼旺而土鬱也。

土氣困乏則痿靡不振木氣不達則入土發黃。木主五色入土為黃

木鬱風動則咽喉乾燥水勝土溼則不渴若胸中寒實而

下利不止者火漸金冷土敗木賊陽無復機主死也。

### 腹滿七

夫瘦人繞臍痛必有風冷穀氣不行而反下之其氣必衝不

衝者心下則痞。

瘦人陽氣衰乏繞臍痛楚腹中必有風冷之邪壅遏穀氣不得運行寒水風木合而賊土衝笑擊撞是以痛也而反下之敗其微陽陰邪無制其氣必衝若不衝於膈上必填於心下心下痞滿之證於是作也。

### 腹滿八

其脈數而緊乃弦狀如弓弦按之不移脈數弦者當下其寒脈緊大而遲者必心下堅脈大而緊者陽中有陰可下之其脈數而兼緊此乃弦脈其狀如弓弦硬直按之不能移。

動是中氣虛寒木邪尅土之診脉數弦者寒氣凝滯當以  
溫藥下其積寒脉緊大而遲者濁陰上逆必心下痞堅以  
足少陽之脉下脅貫膈胃氣上逆壅破膽經降路甲木逼  
迫胃口結滯故心下堅硬緊大而遲則心下之堅全是陰  
邪結聚緣陽位一虛則陰邪乘虛而上湊非衝塞於胸膈  
卽痞結於心下也凡脉大而緊者是爲陽中有陰可以溫  
藥下之傷寒脉法緊則爲寒內外之寒皆令脉緊外緊而  
內大者陰盛而外束也陽爲陰束鼓若不能外發故內大  
而外緊內緊而外大者陰盛而內隔也陽爲陰隔浮動不

能內交故外大而內緊。積陰內凝。非下不去。是以可下。下宜溫藥。大黃附子湯是其法也。

### 腹滿九

病者腹滿。按之不痛。爲虛。痛者爲實。可下之。舌黃未下者。下之黃自去。

病者。腹中脹滿。按之不痛。爲虛。虛滿而未至滯塞也。痛者爲實。實滿而已至壅阻也。陳宿凝痰。是可下之。舌黃者。溼氣乘心。故舌起黃胎。以心竅於舌。土性溼而色黃也。痛滿因於氣滯。氣滯必緣於土濕。舌胎黃者。溼之外候。其未下

者下之。淫氣內泄，則黃色外退矣。

腹滿十

腹中寒氣雷鳴切痛，胸脇逆滿嘔吐，附子粳米湯主之。

腹中寒氣雷鳴切痛者，水寒木鬱，肝氣梗滯，而怫怒衝突，必欲強行，氣轉腸鳴，聲如雷引，排觸擊撞，是以切痛。胸脇逆滿嘔吐者，膽胃上逆，經絡壅塞，濁氣薰衝，則生嘔吐。附子粳米湯，粳米甘草補土而緩中，半夏附子降逆而驅寒也。

附子粳米湯 百二十九

附子一枚

半夏

半觔

甘草

炙 一兩

大棗

十枚

粳米

半斤

右五味以水八升煮米熟湯成去滓溫服一升日三服  
腹滿十一

心胸中大寒痛嘔不能飲食腹中寒上衝皮起出見有頭足  
上下痛而不可觸近者大建中湯主之。

心胸大寒痛嘔不能飲食者土火俱敗寒水上凌胃氣奔  
逆不能下降也腹中寒氣上衝皮起頭足出見上下走痛  
而不可觸近者風木與寒水合邪肆行無畏排擊衝笑勢  
不可當也大建中湯膠飴人參培土而建中乾薑蜀椒補



火而溫寒也。

大建中湯 百三十

乾薑

四兩

蜀椒

二合炒  
去汗

人參

二兩

右三味以水四升煮取二升去滓內膠飴一升微火煮取一升半分溫再服如一炊頃可飲粥二升後更服當一日食糜粥溫服之。

腹滿十二

寒氣厥逆赤丸主之

寒氣厥逆寒氣在內手足厥冷也四肢秉氣於脾胃寒水

侮土四肢失秉是以厥逆寒水上凌心火漸敗是宜泄寒  
水而護心君赤丸茯苓烏頭泄水而驅寒淫半夏細辛降  
濁而下衝氣珍珠保護心君而止疼痛也

赤丸 百三十一

茯苓

四兩

烏頭

二兩炮

半夏

四兩洗

細辛

一兩

右四味末之內珍珠爲色煉蜜爲丸如麻子大先飲食  
酒下三丸日再夜一服不知稍增之以知爲度

珍珠即  
珠砂非  
寶珠  
也

腹痛十三

脇下偏痛發熱其脉緊弦此寒也以溫藥下之宜大黃附子湯主之

脇下偏痛發熱其脉緊弦此脾土寒溼肝木鬱迫以溫藥下其濕寒則愈矣宜大黃附子湯辛附降逆而驅寒大黃下積而破結也

大黃附子湯 下三十二

大黃 三兩 附子 三兩 細辛 二兩

右三味以水五升煮取二升分溫三服若強人煮取二升半分溫三服服後如人行四五里進一服

腹滿十四

病腹滿發熱十日脉浮而數飲食如故厚樸七物湯主之。  
腹滿痛發熱十日脉浮而數者外感風邪經府皆鬱經氣  
不泄故發熱脉浮府氣不通故腹滿而痛而飲食如故則  
內證非寒厚樸七物湯蘊桂甘棗解表而和中枳樸大黃  
泄滿而攻裡也小承氣湯合蘊桂甘棗重用生薑亦溫下  
法也。

厚樸七物湯百三十三

厚樸半觔

枳實五枚

大黃三兩

桂枝二兩

甘草三兩

大棗 十枚 生薑 兩五

右七味以水一斗煮取四升溫服八合日三服嘔者加半夏五合下利去大黃寒多者加生薑半斤。

腹滿十五

痛而閉者厚樸三物湯主之

痛而內閉不通必鬱而生熱直用寒泄不須溫下厚樸三物湯枳樸泄其滿大黃通其閉也。

厚樸三物湯 百三十四 此即小承氣湯而分兩不同。

厚樸 八兩 枳實 五枚 大黃 四兩

右三味以水一斗二升先煮二味取五升內大黃煮取三升溫服一升以利爲度。

### 腹滿十六

腹滿不減。減不足言。當須下之。宜大承氣湯。方在瘕病

腹滿時減已復如故。此爲寒也。今腹滿不減。雖少減而究不足言減。此非虛寒。是實邪也。內實故常滿而不減。當須下之。宜大承氣湯也。

### 腹滿十七

按之心下滿痛者。此爲實也。當下之。宜大柴胡湯。

心下滿痛者少陽之經鬱迫陽明之府也少陽之經由胃  
口而行兩脇膽胃上逆經府鬱塞故心下滿痛此爲實也  
法當下之宜大柴胡湯柴芩芍藥清解少陽之經枳實大  
黃寒泄陽明之府半夏逐痰降逆而補中也

大柴胡湯 百三十五

柴胡 半斤 黃芩 三兩 芍藥 三兩 半夏 半斤 生薑 五兩

大黃 二兩 枳實 四兩 大棗 十二枚

右八味以水一斗二升煮取六升去滓再煎取三升溫  
服一升日三服

寒疝一

腹痛脉弦而緊弦則衛氣不行卽惡寒緊則不欲食邪正相搏卽爲寒疝寒疝繞臍痛若發則白津出手足厥冷其脉沈緊者大烏頭煎主之。

腹痛脉弦而緊者肝脉弦腎脉緊寒水風木之邪合而賊土是以腹痛弦則木鬱陽陷陰乘陽位外束衛氣故衛氣不行陽鬱不達是以惡寒緊則寒水侮土胃氣上逆故不欲食清陽下陷上與陰邪相爭不能透圍而出木氣幽淪永墜寒水之中卽爲寒疝疝瘕同類皆腎肝陰邪所凝結



也寒病之病水木合邪以侵土位常苦繞臍疼痛若發則  
木氣疏泄腎精不藏洩出白液手足厥冷其脉沈緊者水  
寒而木鬱也宜大烏頭煎蜂窩緩急迫而潤風木烏頭泄  
淫淫而溫寒水也  
白液出素問玉机真藏論脾傳之腎名  
日疝瘕少腹寬熱而痛出白津白津即白淫  
類之

大烏頭煎 百三十六

烏頭 大者五枚熬  
去皮不咬咀

右以水三升煮取一升去滓內蜜二升煎令水氣盡取  
二升強人服七合弱人服五合不差更服不可一日再

服。

寒疝二

寒疝腹中痛，逆冷，手足不仁，若身疼痛，灸刺諸藥不能治，抵當烏頭桂枝湯主之。

寒疝，腹中痛，手足逆冷，不仁者，肝腎之邪合而賊土，土敗而四肢失養也。或身上疼痛，灸刺諸藥不能治，是藏病而經亦鬱，病根在裏，但以灸刺諸藥治其表，故不能愈也。抵當烏頭桂枝湯，烏頭驅寒而逐溼，桂枝達木而通經也。烏頭桂枝湯，百三十七。

烏頭 三枚 桂枝 三兩 芍藥 三兩 甘草 二兩

大棗 十二枚 生薑 三兩

右桂枝五味以水七升微火煮取三升去滓烏頭一味以蜜二升煎減半去滓以桂枝湯五合合煎令得一升後初服二合不知即服三合又不知復加至五合其知者如醉狀得吐者爲中病。

### 寒疝三

寒疝腹中痛及脇痛裏急者當歸生薑羊肉湯主之

寒疝腹中痛及脇痛裏急者風木寒鬱而尅溼土也當歸

生薑羊肉湯當歸瀉木而息風生薑羊肉行鬱而溫寒也  
當歸生薑羊肉湯百三十八

當歸三兩生薑五兩羊肉一觔

右三味以水八升煮取三升溫服七合日三服。若寒  
多者加生薑成一觔痛多而嘔者加橘皮二兩白朮一兩  
加生薑者亦加水五升煮取三升二合服之

宿食一

問曰人病有宿食何以別之師曰寸口脈浮而大按之反滿  
尺中亦微而濇故知有宿食大承氣湯主之方見瘕病

宿食在胃鬱格表陽故寸口浮大阻礙裡氣故按之梗澀  
尺中亦微而濇者尺中主裡也此段見傷寒可下中

### 宿食二

脈緊如轉索無常者有宿食也脈緊頭痛風寒腹中有宿食  
不化也

脈緊如轉索無常者鍾輪轉索而不定愈轉則愈緊也以  
水寒土溼則食停不化宿食在中土氣鬱滿亡木抑遏陷  
於寒水不能上達是以脈緊甚而不鬱陽陷陰邪外乘頭  
痛風寒形似外感實乃腹中宿食不化也

宿食三

脉數而滑者實也此有宿食下之愈宜大承氣湯

脉數滑者宿食在中陽氣鬱格則脉滑數

宿食四

下利不欲食者有宿食也當下之宜大承氣湯

此段見傷寒可下中宿食傷其胃氣陳腐不化故惡聞食  
臭。

宿食五

宿食在上脘當吐之宜瓜蒂散

此段見傷寒可吐中宿食未消而在上脘阻礙經道法當吐之宜瓜蒂散

瓜蒂散

百三十九方見傷寒太陽

瓜蒂

一分

赤小豆

一分

右二味杵爲散以香豉七合煮取和散一錢七溫服不吐者少加之以快吐爲度而止亡血及虛者不可與之

附方

外臺柴胡桂枝湯九

治心腹卒痛者

柴胡四兩

黃芩兩半

半夏二合

生薑三兩

人參兩半

甘草三兩

大棗十二枚

桂枝兩半

芍藥兩半

右九味以水六升煮取三升溫服一升日三服



金匱懸解卷十八

內傷雜病

昌邑黃元御坤載著

跌蹶手指臂腫轉筋狐疝虵蟲

跌蹶手指臂腫轉筋狐疝虵蟲皆寒溼之病也跌蹶之病寒溼在足太陽之經手指臂腫寒溼在手太陰之經轉筋之病寒溼在足厥陰之經狐疝之病寒溼在足少陰之經虵蟲之病寒溼在足厥陰之藏凡此五者經藏非同而病氣則同也假使土燥而水煖則五者不生矣

跌蹶一

師曰病蹶蹶其人但能前不能却刺膈入二寸此太陽經傷也

病蹶蹶其人但能前不能却足跌硬直能前走而不能後移也緣筋脉與溼縮急不柔是以不能後却陽明行身之前筋脉鬆和則能前步太陽行身之背筋脉柔濡則能後移今能前不能却是病不在前而在後太陽經傷也太陽之經入胸中貫膈內出外踝之後至小指外側刺膈入二寸瀉太陽之寒溼筋柔則能却矣膈足肌也刺膈者此藏合陽承筋之間也此藏府經絡篇所謂溼傷於下寒令脉急者也

## 手指臂腫二

病人常以手指臂腫動此人身體胸膈者藜蘆甘草湯主之  
手指掌三者手三陽三陰經之所循手之三陰自胸走手  
手之三陽自手走頭經氣通暢則不腫經絡壅阻不能流  
行則氣血蓄積結而爲腫氣壅而莫泄故鼓鬱而爲動也  
動則胸膈振搖而不寧此其胸中有痰濁阻格經脉脉道  
不通故至於此藜蘆甘草湯藜蘆吐其痰濁甘草和其中  
氣也

藜蘆甘草湯 百四十

金匱要略卷之九  
三  
藜蘆 二兩  
甘草 一兩  
炙

原方缺載

轉筋三

轉筋之爲病其人臂脚硬直脉上下行微弦轉筋入腹者雞屎白散主之

轉筋之爲病其人臂脚硬直不能屈伸其脉上下直行微帶弦象此厥陰肝經之病也肝主筋筋脉得溼則羸縮而不轉也轉筋入腹則病勢劇矣雞屎白散泄其溼邪筋和而舒矣

雞屎白散百四十一

雞屎白

右一味爲散取方寸匕以水六合和溫服

狐疝四

陰狐疝氣者偏有大小時時上下蜘蛛散主之

陰狐疝氣者疝結陰囊出沒不測狀似妖狐也左右二丸偏有大小時時上下出入無常此少陰厥陰二經之病由水寒木陷肝氣下鬱而發蜘蛛散蜘蛛破瘀而消腫桂枝疏木而升陷也

蜘蛛散

百四十二

蜘蛛

十四枚

熬焦

桂枝半兩

右二味爲散取八分一匕飲和服日再服蜜丸亦可

虬蟲五

問口病腹痛有蟲其脉何以別之師曰腹中痛其脉當沈若弦反洪大故有虬蟲

腹中痛者腎肝之邪水寒而木鬱也腎脉沈肝脉弦是其脉當沈若弦乃反洪大是不鬱而生上熱也木鬱熱閉則蟲生故有虬蟲也

# 虬蟲六

虬蟲之爲病令人吐涎心痛發作有時毒藥不止者甘草粉蜜湯主之

虬蟲之爲病令人吐涎沫而心痛以肝心子母之藏肝氣通於心其經挾胃口而貫膈正由心傍虬者木氣所化木鬱而上衝故心痛心病則火炎而刑金津液不布故涎沫上湧就有動止故發作有時毒藥不止者但知殺蟲而水鬱不達也甘草粉蜜湯甘草補土白粉殺蟲蜂蜜潤燥而清風滑腸而下積也

甘草粉蜜湯 百四十三

甘草 二兩 白粉 一兩 蜂蜜 四兩

右三味以水三升先煮甘草取二升去滓內粉蜜攪令和煎如薄粥溫服一升差即止

蚘蟲七

蚘厥者當吐蚘令病者靜而復時煩此為藏寒蚘上入其脘故煩須臾復止得食而嘔又煩者蚘聞食臭出其人當自吐蚘蚘厥者烏梅丸主之

此段見傷寒厥陰篇蚘厥者內有蚘蟲四肢厥冷其證當



見吐蚘蟲在內令病者有時靜而復動此因藏寒不能  
安蚘蟲避寒就溫上入其膈故煩蚘蟲得溫而安須臾  
復止及其得食藏寒不能消化隨即嘔出故其人當自吐  
蚘烏梅丸烏梅薑辛殺蟲止嘔而降衝人參桂歸補中疏  
木而潤燥椒附煖水而溫下寒連柏泄火而清上熱也蓋  
厥陰之病水寒不能生木木鬱而熱發故上有燥熱而下  
有寒溼烏梅丸上清燥熱而下溫寒溼蚘厥之神方也  
烏梅丸 百四十

烏梅 三百  
細辛 六兩  
乾薑 十兩  
人參 六兩  
桂枝 六兩

當歸

四兩

蜀椒

四兩

附子

六兩

黃連

一斤

黃柏

六兩

右十味異搗篩合治之以苦酒漬烏梅一宿去核蒸之  
五升米下飯熟搗成泥和藥令相得內臼中與蜜杵二  
千下丸如梧子大先食飲服十九日三服稍加至二十  
丸禁生冷滑臭等物